

庸金尚書奏議

八

庸盦尙書奏議

總目

京兆奏議一卷

清淮奏議一卷

大梁奏議四卷

三吳奏議二卷

兩湖奏議四卷

北洋奏議四卷

右共十六卷

德清俞陞雲編輯

荔波楊懿年

嘉善錢紹楨

貴陽陳瑜

平遠丁道源

平遠丁道津

邵陽魏允恭

會稽周穌鼐

桐鄉嚴震

烏程周文鳳校勘

姪昌琛參校

男昌豫錄稿

庸盦尙書奏議

卷之十五目錄

蘆綱各岸原停引目援案推展五年摺

宣統二年九月初三日

京商原停引目請再推展五年摺

宣統二年九月初三日

圍場廳等缺仍定爲要缺摺

宣統二年九月初九日

北運河上游旅遂鎮大工搶堵合龍摺

宣統二年十月二十三日

編練陸軍混成協摺

宣統二年十月二十九日

酌裁綠營官弁摺

宣統二年十一月初十日

釐定直省官制敬陳管見摺

宣統二年十一月十四日

籌辦各級審判檢察等廳摺

宣統二年十二月十七日

已故直隸州嚴以盛請立傳摺

宣統二年十二月十七日

已故提督寶如田請立傳附祀摺

宣統二年十二月十七日

提法司改設屬官擬分科辦事摺

宣統二年十二月二十二日

設立屯墾局籌擬辦法及估需經費摺

宣統二年十二月二十五日

查覆貨捐土稅局員被參各款摺

宣統三年正月十六日

直省籌辦防疫情形摺

宣統三年正月二十八日

裁併師範學堂改設高等商業學堂片

宣統三年二月初五日

開平礦案妥籌添股借款辦法摺

宣統三年三月初五日

澳礦公司自行擔保發行實業債票片

宣統三年三月初五日

已故提督曹克忠懇

恩子諡摺

宣統三年四月初二日

直省疫氣救平在事人員擇尤請獎摺

宣統三年四月十五日

請 賞屈永秋醫科進士學位片

宣統三年四月十五日

庸盦尙書奏議卷十五

蘆綱各岸原停引目援案推展五年摺

宣統二年九月初三日

奏爲蘆綱各岸滯銷原停引目實難遞加復額請援案推展五年以恤商艱而保現課恭摺仰祈

聖鑒事竊照長蘆所屬直豫兩省引岸前於道光二十四年停引十萬道嗣後疊經奏准推展扣至宣統二年年底限滿經臣檄飭運司預籌按年遞加復額嗣據長蘆鹽運使張鎮芳詳據綱商李士鈺等稟稱前項停引始於道光二十四年彼時蘆鹽尙未加觔迨後兩次共加鹽一百七十觔並未減引按照原包觔重四百十七觔七兩計之已暗加四成有奇若以銷引五十萬道核計已敷原停時七十萬引之數是所停之引雖未復額

而所銷之鹽早已復舊蘆綱銷數向稱疲滯現時直豫引岸水旱偏災疊見銀根奇緊商民交困況各岸迭次加價以後成本愈重梟私充斥疏銷更難又何能規復引額查上年至八月間出庫引四十六萬餘道今年出庫引結至現時僅領出三十五萬餘道較諸上年尤爲奇滯卽此現行六十六萬餘道之引額尙難疏銷若再逐年遞加必更擁滯當此困難待拯之時商力實覺難支請再推展五年等情該司查長蘆引課關係餉需現值庫款未充自應督飭按年遞加復額豈容稍涉因循惟蘆屬直豫引地滯岸居多況庚子兵災以後元氣未復各岸私充仍形積滯雖經前司及該司督飭各州縣認真緝私設法疏銷不遺餘力然核計本年各商現行引數截至八月初旬止僅銷庫

引三十五萬餘道較之原額六十六萬餘道之數僅及五成有奇該綱總所稟引多銷滯自係實情若遽行責令按年遞加復額則積引愈甚商力難支勢必參懸相繼無裨實濟有礙大局應請援案將原停引十萬道自宣統三年起再行推展五年以紓積困而恤商艱其先後所停引課俟限滿查看銷市暢滯情形再行分限帶運帶完等情詳請會同具奏前來臣查蘆綱現行引六十六萬餘道歷年設法疏銷均未能如數領運況值庚子兵燹以後各岸疊見偏災元氣未復近年疊次加價私充銷滯商力益覺難支勢難責令按年遞加復額相應仰懇

天恩俯准將原停引十萬道自宣統三年起再行推展五年以恤商艱而保現課仍督飭運司設法整頓嚴緝梟私以期官引

暢銷漸復舊額謹會同督辦鹽政大臣臣載澤恭摺具陳伏乞
皇上聖鑒訓示謹

奏

京商原停引目請再推展五年摺

宣統二年九月初三日

奏爲京商銷滯累深原停引目仍難復額請再展限五年以恤商艱而保課運恭摺仰祈

聖鑒事竊查長蘆京綱額引七萬二百餘道前因引多銷滯各商包課力實難支經前督臣曾國藩奏請停引二萬道餘令勉力辦運俟行市暢旺相機議加旋准部議以五年爲限嗣後迭經奏咨推展扣至宣統二年年底又屆限滿曾飭運司督商設法疏銷並嚴定月銷成數認真考核無如京商額引過多雖停引二萬道而現行之引尙有五萬二百餘道庚子兵燹之後銷數大減現值銅圓泛濫銀價日增百貨昂貴之時疏銷良非易易雖經督銷委員緝私局委員督同總催商人竭力整頓而每

年所銷之鹽仍未暢旺計本年結至八月上旬僅領銷二萬一千六百餘道尙未及減贍五萬二百餘道之半實因額引過多鹽包增重民食有限勢難全領若將停引二萬道責令復額勢必積引愈多紛紛參追轉致誤運虧課據京商查慶餘等瀝情稟由運司張鎮芳具詳請展前來臣查鹽課攸關餉需但使商力能支多增一引卽多一分課款現值時艱款絀豈容稍涉推延視展停爲常例惟引數必以銷數爲衡近年京商領引於減贍五萬二百餘道之數從未銷足況復鹽價疊次加增各商成本愈重本年已領之引尙不及減贍原數之半銷場益滯商累更深若必強以所難責令復額徒多參懸於課款仍無實濟相應仰懇

天恩准將京商原停引二萬道自宣統三年起照案推展五年以恤商艱而保課運俟限滿察看如果銷數較暢再行議加仍飭運司實力督銷漸圖復額所有原停京引請展年限緣由謹會同督辦鹽政大臣臣載澤恭摺具陳伏乞

皇上聖鑒訓示謹

奏

圍場廳等缺仍定爲要缺摺

宣統二年九月初九日

奏爲圍場廳撫民同知並該廳司獄議仍定爲要缺恭摺仰祈
聖鑒事竊查光緒三十一年八月十九日奉

上諭練兵處奏開辦圍場屯墾事宜以拓利源而裕兵食一摺
開墾圍場各地藉籌軍食爲寓兵於農之善策著派袁世凱認
眞督辦所有該處地方事務並歸該督專轄以一事權原摺均
著鈔給閱看欽此業經前督臣袁世凱派員前往整頓一切並
創辦各新政以開邊塞風氣又以圍場原爲衝繁疲難四字要
缺蒙民雜處政務紛紜與張多獨三廳情形相似擬請援照該
三廳成案將圍場糧捕同知改爲圍場撫民同知其圍場糧捕
同知司獄改爲圍場撫民同知司獄至西圍巡檢仍循其舊改

鑄關防印信頒發領用聲明未盡事宜續議奏明辦理等因會同熱河都統於光緒三十二年十二月二十一日奏奉

硃批著照所請該部知道欽此欽遵在案嗣准吏部來咨園場撫民同知是否仍定爲衝繁疲難四字要缺該廳司獄定爲何項缺分行令會同熱河都統查酌情形奏明辦理等因當經行司核議去後茲據藩司凌福彭提學司傅增湘提法司齊耀琳查明園場廳自歸直隸改撫民同知以來開闢荒地轄境愈廣管理旗民命盜訟案較前繁劇現又創辦學警工藝農林一切新政均關緊要且該廳與張獨多三廳事同一律自應定爲衝繁疲難四字題調要缺該廳司獄原爲單調要缺自歸直隸專轄後改良監獄兼管罪犯習藝等事責任亦較前繁重應仍定

爲邊地要缺西園巡檢前已奏明仍循其舊毋庸更議嗣後遇有缺出同知則照張獨多等缺辦理司獄則照直隸繁缺司獄辦理等情詳請會奏前來臣復核無異除咨部外理合會同熱河都統誠勳恭摺具陳伏乞

皇上聖鑒飭部核覆施行謹

奏

